

03.09.2021թ.

ք.երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

**ՈՐՈՇՈՒՄ թիվ 018441/20**

ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ  
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 18441 գործը և ուսումնասիրելով վարչական իրավախախտման վերաբերյալ 03.09.2021թ. թիվ 18441 արձանագրությունը և կից նյութերը,

**ՊԱՐԶԵՑԻ**

Համաձայն ՀՀ պետական եկամուտների կոմիտեի հետաքննության և օպերատիվ-հետախուզության վարչության 22.06.2021թ կազմված թիվ 1512548/5 արձանագրության՝ «ՏԻՏԱՆ-93» ՍՊԸ-ին (ՀՎՀՀ՝ 02202097) պատկանող ք. Երևան, Գարեգին Նժդեհի 9/44 հասցեում գործող «ՏԻՏԱՆ» անվանումով սուպերմարկետի վաճառասրահում հայտնաբերվել են վաճառքի նպատակով ցուցադրված ակցիզային դրոշմանիշերով և (կամ) դրոշմապիտակներով դրոշմավորման ենթակա չդրոշմավորված (չվերադրոշմավորված) ընդամենը 4500 ՀՀ դրամի ապրանքներ, որոնք ձեռնարկված օպերատիվ-հետախուզական միջոցառումների արդյունքում պարզվել է, որ արտադրվել և «ՏԻՏԱՆ-93» ՍՊԸ-ին առանց դրոշմապիտակների մատակարարվել են Ա/Ձ Սուսաննա Հարությունյանին (ՀՎՀՀ՝ 32542888) կողմից՝ 31.05.2021թ-ի թիվ Բ6071916264 հարկային հաշվով: Նկարագրված իրավախախտման համար պատասխանատվություն է նախատեսված ՀՀ Վարչական իրավախախտումների վերաբերյալ օրենսգրքի 170.8 հոդվածով:

Նշված դեպքի առթիվ ՀՀ ՊԵԿ իրավաբանական վարչությունում հարուցվել է վարչական վարույթ, որի շրջանակներում ծանուցագիր է ուղարկվել Ա/Ձ Սուսաննա Հարությունյանին (հասցե՝ ք. Երևան, Էջմիածնի խճուղ 80, Անձնագիր՝ 000289603, ՀԾՀ՝ 6711620127): Նկատի ունենալով, որ ծանուցագիրը ստանալու փաստը հավաստող ապացույց առկա չի եղել, ՀՀ ՊԵԿ իրավաբանական վարչության պետի կողմից 09.08.2021 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Կողմը պատշաճ ծանուցված լինելով արձանագրության կազմման, գործի քննության վայրի և ժամանակի վերաբերյալ, ներկայացրել է բացատրություն առ այն, որ զբաղվում է պելմենիների արտադրությամբ, վաճառքն իրականացնում է բացառապես հարկային օրենսգրքով սահմանված կարգով, ապրանքները մատակարարվում են իր վարձու աշխատակից՝ առաքիչ Նվեր Մարկոսյանի միջոցով, ապրանքները արտադրվելուց հետո անմիջապես դրոշմապիտակավորվում են և նոր ներկայացվում մատակարարման: Հայտնել է նաև, որ առկա չէ որևէ ապացույց կամ փաստաթուղթ, որով կհիմնավորվի ապրանքների դրոշմապիտակավորված լինելը մատակարարման ժամանակ: Միևնույն ժամանակ ի լրումն ներկայացրել է հայտարարություն այն մասին որ 28.12.2020թ-ի դրությամբ առկա է եղել մնացորդ 55 հատ դրոշմապիտակ և 28.12.2020թ-ին ՏԴ-5729, 23.06.2021թ-ին ՏԴ-2884 հաշվարկային փաստաթղթերով ստացել է 1500 հատ դրոշմապիտակ: 28.12.2020թ-ից առ 20.08.2021թ-ը օգտագործվել է 999 հատ դրոշմապիտակ: Վերջինիս ուսումնասիրությունից պարզ կդառնա որ իր կողմից բոլոր ապրանքները դրոշմապիտակավորվում են:



Անդրադառնալով բացատրությանը, հարկ ենք համարում նշել, որ թիվ 1512548/5 արձանագրությանը կից նյութերով Ձեր կողմից ներկայացված հայտարարությամբ Դուք ըստ էության ընդունել եք, որ մատակարարումից առաջ դրոշմապիտակները պոկվել են սառցախցիկում: Բացի այդ, վարչական վարույթի շրջանակներում առարկությամբ նշված դրոշմապիտակների ստացման և հաշվարկային փաստաթղթով իրացման փաստը չի հիմնավորում ապրանքների՝ դրոշմապիտակավորված վիճակում իրացնելը:

Համադրելով գործի լուծման համար էական նշանակություն ունեցող հանգամանքները, Համաձայն ՀՀ պետական եկամուտների կոմիտեի հետաքննության և օպերատիվ-հետախուզության վարչության 22.06.2021թ կազմված թիվ 1512548/5 արձանագրությունը՝ վարույթն իրականացնող մարմինը գտնում է, որ դրանք վկայում են Սուսաննա Հարությունյանի կողմից դրոշմապիտակներով դրոշմավորման ենթակա չդրոշմավորված 4500 ՀՀ դրամ ընդհանուր արժեքով ապրանքներ իրացնելու մասին:

Նկարագրված իրավախախտման համար վարչական պատասխանատվություն է նախատեսված ՀՀ Վարչական իրավախախտումների վերաբերյալ օրենսգրքի 170.8 հոդվածի 5-րդ մասով:

Նկատի ունենալով, որ արարքում առկա են Վարչական իրավախախտումների վերաբերյալ ՀՀ օրենսգրքի 170.8 հոդվածի 5-րդ մասով նախատեսված հատկանիշներ, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244<sup>2</sup>, 281 հոդվածներով և 282 հոդվածի 1-ին մասով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով՝

#### ՈՐՈՇԵՑԻ

1. Սուսաննա Հարությունյանի վերաբերյալ հարուցված թիվ 18441 վարչական վարույթը վերսկսել:
2. Համաձայն Վարչական իրավախախտումների վերաբերյալ ՀՀ օրենսգրքի 170.8 հոդվածի 5-րդ մասի, Սուսաննա Հարությունյանի նկատմամբ կիրառել վարչական տույժ՝ նշանակել տուգանք 3.000.000 (երեք միլիոն) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

Վարչական տույժ նշանակելը վարչական իրավախախտում կատարած անձին չի ազատում այն պարտավորությունից, որը վստահելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ զանգառ կարող է տրվել որոշում ստանալուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել՝ զանգառը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը վերջին բողոքարկվել ՀՀ վարչական դատարան՝ երկամյա ժամկետում: Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը զանգատարկելու կամ բողոքարկելու դեպքում՝ զանգառը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) զանապետական հետևյալ հաշվեհամարին՝ **900005240487**՝ վճարման անդորրագրի <<նպատակ>> դաշտում պարտադիր նշելով որոշման համարը: Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Մասնակցեցի գործի քննությանը, որոշման վերաբերյալ առարկություններ չունեմ:

Ստացա որոշման պատճենը